

1. **Ministarstvo pravde i uprave Kantona Sarajevo**, Reisa Džemaludina Čauševića 1, 71000 Sarajevo, ID broj: 4200664230007, kojeg zastupa ministrica Darja Softić Kadenić (u daljem tekstu: **Naručilac**), s jedne strane, i

2. **Advokatsko društvo "Ademović, Nožica i partneri"**, Titova 50/IV, 71 000 Sarajevo, ID broj: 4202288900007 (u daljem tekstu: **Izvršilac**), s druge strane, zaključuju

## **UGOVOR O PRUŽANJU KONSULTANTSKIH USLUGA**

### **Član 1.**

Predmet ugovora je pružanje stručne pravne pomoći iz oblasti ustavnog prava pri sačinjavanju odgovora Ustavnom sudu Bosne i Hercegovine na zahtjev za ocjenu ustavnosti Uredbe o kontroli javnih nabavki u svim institucijama čiji je osnivač Kanton Sarajevo ("Službene novine Kantona Sarajevo", br. 27/19, 29/19, 48/19 I 13/20), a što uključuje analizu dokumentacije, sastavljanje i dostavljanje pisanog izjašnjenja na zahtjev, eventualno zastupanje pred Ustavnim sudom Bosne i Hercegovine, te analizu posljedica eventualno negativne Odluke Ustavnog suda Bosne i Hercegovine.

### **Član 2.**

Posao iz prethodnog člana Izvršilac će obavljati zakonito, stručno, savjesno i po pravilima struke. Posao će se obaviti na zahtjev i u skladu sa potrebama Naručioca.

### **Član 3.**

Ugovor se zaključuje na period do okončanja postupka i donošenja Odluke Ustavnog suda, a s primjenom počinje od 1.7.2022. godine.

### **Član 4.**

Naručilac usluga će Izvršiocu dati ovlaštenje za zastupanje u postupku navedenom u članu 1.

### **Član 5.**

Ukupna cijena za realizaciju posla iznosi 5.500,00 KM (slovima: pet hiljadapetstotina konvertibilnih maraka) bez PDV-a, odnosno 6.435,00 KM (slovima: šest hiljadačetiristotinetridesetpet) sa PDV-om.

### **Član 6.**

Izvršilac garantuje tajnost podataka i informacija do kojih dođe u izvršenju svojih obaveza.

### **Član 7.**

Izvršilac je obavezan nakon završenog posla Naručiocu dostaviti izvještaj o izvršenim konsultantskim uslugama, a plaćanje ugovorene cijene izvršit će se najkasnije u roku od 10 dana od dostavljanja fakture za izvršene usluge.

### **Član 8.**

Svaka od ugovornih strana može otkazati ovaj ugovor u pismenoj formi iz razloga koji su utvrđeni Zakonom o obligacionim odnosima.

### Član 9.

Za sve što nije regulisano ovim ugovorom, primjenjivat će se odredbe Zakona o obligacionim odnosima.

### Član 10.

Svi eventualni sporovi će se rješavati sporazumno, a u slučaju da se ugovorne strane ne uspiju sporazumjeti nadležan je Općinski sud u Sarajevu.

### Član 11.

Ovaj ugovor je sačinjen u četiri (4) istovjetna primjerka, od čega svaka ugovorna strana zadržava po dva (2) primjerka.


Za Naručioca

[Redacted signature]

Darja Softić Kadenić, ministrica

Broj: 03-06-11-2589-6/22

Sarajevo, 01.07.2022.



Za Izvršioca

Advokatsko društvo

„ADEMOVIĆ NOŽIĆ I PARTNERI“

Ul. Maršala Tita/br. 50/IV

Nedim Ademović

Advokat